



PANDUAN PELAKSANAAN PELEPASAN CUKAI BARANG DAN PERKHIDMATAN KE ATAS PEROLEHAN PERKHIDMATAN KERAJAAN

1. PENDAHULUAN

YB Menteri Kewangan telah memberi pelepasan kepada Jabatan Kerajaan Persekutuan dan Jabatan Kerajaan Negeri selaras dengan Subseksyen 56(3)(a) Akta Cukai Barang Dan Perkhidmatan (CBP) 2014 dari dikenakan GST bagi perolehan perkhidmatan (kontrak kerja dan kontrak perolehan perkhidmatan bukan perunding). Surat Kementerian Kewangan ruj:0.3865/356(SJ.4)(Jld.22)(SK.24)(7) bertarikh 12 Mei 2015 dan surat ruj:S/K.KEW/PK/MOF/D/41 SK.1(10) bertarikh 04 Mac 2015 adalah berkaitan.

2. TUJUAN

Tujuan panduan ini disediakan untuk membantu:

- i) Kontraktor/vendor yang membekalkan perkhidmatan kepada kerajaan.
- ii) Jabatan kerajaan yang mendapatkan pelepasan GST ke atas perolehan perkhidmatan.

3. PELEPASAN CBP

3.1 Pelepasan CBP yang diberi ke atas kontrak kerajaan adalah seperti berikut:

- i) Kontrak perolehan perkhidmatan iaitu kontrak kerja yang sedang berkuatkuasa di mana surat setuju terima (SST) telah ditandatangani sebelum 1 April 2015 dan tempoh kontrak melangkaui 1 April 2015, diberi pelepasan dari dikenakan GST sehingga kontrak tamat. Pelepasan yang sama juga diberi kepada kontrak perolehan perkhidmatan (kontrak kerja) yang sedang berkuatkuasa pada atau selepas 1 April 2015 melibatkan penganjutan masa (Extension of Time –EOT).

- ii) Kontrak perolehan perkhidmatan bukan perunding (contohnya sewaan, penyelenggaraan, pembersihan) yang tidak dikenakan Cukai Perkhidmatan sebelum 1 April 2015 diberi pelepasan dari dikenakan GST sehingga **31 Mac 2017 atau tarikh tamat kontrak**, mana yang lebih awal dengan syarat kontrak sedang berkuatkuasa di mana Surat Setuju Terima (SST) telah ditandatangani sebelum 1 April 2015 dan tempoh kontrak melangkaui 1 April 2015.
- 3.2 Perolehan Perkhidmatan Perunding dan bukan perunding yang dikenakan cukai perkhidmatan sebelum 1 April 2015 adalah tertakluk kepada kenaan GST walaupun SST telah ditandatangani sebelum 1 April 2015 dan kontrak melangkaui tarikh tersebut.
- 3.3 Bagi perolehan produk petroleum RON 95 dan diesel oleh Jabatan Kerajaan Persekutuan dan Negeri, pelepasan yang diberi hanyalah ke atas pembelian di peringkat runcit. Jabatan Kerajaan yang berkaitan perlu membayar GST ke atas perolehan produk petroleum RON 95 dan diesel secara komersial (pukal dari pemborong).

4. PENGELUARAN SIJIL

- 4.1 Kementerian Kewangan telah menetapkan melalui surat ruj: ruj:0.3865/356(SJ.4)(Jld.22)(SK.24) SEM(7) bertarikh 17 Jun 2015 untuk tempoh peralihan iaitu sehingga **31 Disember 2015** sijil pelepasan untuk perolehan perkhidmatan **TIDAK PERLU** dikeluarkan oleh Jabatan Kerajaan Persekutuan atau Negeri.
- 4.2 Disepanjang tempoh peralihan tersebut, mekanisma penggunaan 1PP dan salinan SST seperti mana yang telah ditetapkan oleh Bahagian Perolehan Kerajaan adalah terpakai. Selepas tempoh peralihan tersebut, Jabatan Kerajaan Persekutuan dan Jabatan Kerajaan Negeri yang membuat perolehan Kerajaan perlu mengeluarkan satu sijil pelepasan dari dikenakan GST di bawah Seksyen 56(3)(a) Akta Cukai Barang Dan Perkhidmatan 2014. Contoh Sijil seperti di Lampiran 'A'.

5. PROSEDUR PELAKSANAAN

5.1 Jabatan Kerajaan

Jabatan Kerajaan Persekutuan atau Negeri yang telah menandatangani kontrak dengan kontraktor/vendor akan mengeluarkan sijil pelepasan untuk perolehan perkhidmatan yang ditandatangani oleh ketua jabatan atau mana-mana pegawai yang diberi kuasa.

5.2 Kontraktor/Vendor

- i) Bagi mendapatkan pelepasan daripada mengenakan dan memungut GST atas pembekalan perkhidmatan yang dibuat kepada jabatan kerajaan, pihak kontraktor/vendor hendaklah mengeluarkan invoice cukai dengan menyatakan klausa seperti berikut:
“ Pelepasan kepada Kerajaan yang diberi pelepasan CBP di bawah Seksyen 56(3)(a) Akta Cukai Barang dan Perkhidmatan 2014 ”
- ii) Pihak pembekal hendaklah mengikrar dalam Butiran 13, Bahagian C, Penyata GST-03, jumlah nilai pembekalan diberi pelepasan CBP.
- iii) Pihak pembekal hendaklah menyimpan rekod berkaitan pembekalan yang tidak dikenakan CBP di mana melibatkan tuntutan cukai input bagi tujuan pemeriksaan / pengauditan pegawai CBP.

6. KESIMPULAN

Diharap panduan ini dapat membantu jabatan kerajaan persekutuan dan negeri bagi mendapatkan pelepasan GST atas perolehan perkhidmatan dan juga membantu pihak kontraktor/vendor tidak mengenakan dan memungut GST.

Panduan pelaksanaan pelepasan cukai barang dan perkhidmatan ke atas perolehan perkhidmatan kerajaan yang dikeluarkan oleh JKDM hendaklah dibaca bersama 1PP di Portal Rasmi Kementerian Kewangan berkaitan dengan Pekeliling Perbendaharaan Bil. PK1/2013.

7. PEMBATALAN

Panduan pelaksanaan pelepasan Cukai Barang Dan Perkhidmatan Ke atas perolehan perkhidmatan berkuatkuasa pada tarikh ianya dikeluarkan. Dengan pengeluaran panduan ini, panduan bertarikh 29 Mei 2015 adalah dibatalkan.

Untuk sebarang pertanyaan atau maklum balas sila hubungi :

i) Tuan Abd. Razak bin Ahmad Arshad
Email : razak.arshad@customs.gov.my
Tel : 03-88822792

ii) Tuan Roslan bin Akibon
Email : roslan.akibon@customs.gov.my
Tel : 03- 83111304

Tarikh : 26 Jun 2015

Bahagian GST, Jabatan Kastam Diraja Malaysia

**SIJIL PELEPASAN BAGI PEROLEHAN PERKHIDMATAN
(OLEH KERAJAAN)**

DI BAWAH SEKSYEN 56(3) AKTA CUKAI BARANG DAN PERKHIDMATAN 2014

Saya dengan ini mengesahkan bahawa perolehan perkhidmatan adalah bagi kontrak/projek seperti berikut :

Nama kontrak/projek : _____

(Jenis Perkhidmatan : _____)

Tempoh kontrak/projek : _____

diperolehi daripada (Kontraktor) : _____

dibekalkan kepada (Jabatan Kerajaan): _____

dan pelepasan daripada pembayaran di bawah Seksyen 56 (3) Akta Cukai Barang dan Perkhidmatan adalah dituntut.

Tandatangan _____

Nama _____

No. Kad Pengenalan _____

Pangkat _____

Tarikh _____

Nota : Ditandatangani oleh Ketua Jabatan atau mana-mana pegawai yang diberi kuasa.